



豫章黃先生集第四

黃庭堅曾直



豫章黃先生集第四

黃庭堅魯直

古詩七十六首

和荅魏道輔寄懷十首

代書

寄陳適用

奉送時中攝東曹獄掾

次韻和荅孔毅甫

再用舊韻寄孔毅甫

寄題安福李令適軒

寄題安福李令先春閣

和孫公善李仲同金櫻餌唱酬二首

寄題安福李令愛竹堂

二月二日晚夢會於廬陵西齋作寄陳適用

次韻周德夫經行不相見之詩

寄傅君倚同年



次韻章禹直魏道輔贈荅之詩

次韻道輔雙嶺見寄三疊

次韻道輔旅懷見寄寄餘干徐隱甫

次韻秋郊晚望

八月十四日夜刀坑口對月奉寄王子難子聞

通用

贈王環中

戲和丁寺丞宅王醇老木

贈朱方李道人戲題曾處善尉廳二首

寄上高李令懷道謝文灝元豐上文藁

讀方言送昌上座歸成都

送彥孚主簿寄朱樂仲

從王都尉覓千葉梅云已落盡戲作嘲吹笛侍兒

少韻子瞻書黃庭經尾付幾道七

從王都尉見千葉梅云已落盡戲作喇叭笛侍兒

次韻子瞻書黃庭經尾付蹇道士

次韻叔父夷仲送夏君玉赴零陵主簿

謝曹子方惠二物二首

送曹子方福建路運判兼簡運使張仲謀

戲贈曹子方家鳳兒 題老鶴萬里心

題韋偃馬

子瞻題狄司進雪林石屏要同作

和曹子方雜言

送張材翁赴秦齋

摩詰畫

和劉景文

寄忠玉提刑

送呂知常赴太和丞

和荅莘老見贈

老杜浣花谿圖引

奉謝劉景文送團茶

謝景文惠浩然所作廷珪墨

奉和公擇舅氏送呂道人研長韻

再和公擇舅氏雜言 次韻荅王四

題畫鵝鴈二首 送六十五弟貴南歸

贈陳師道 松下淵明

十四弟歸洪州賦莫如兄弟四章贈行

題李夫人偃竹 贈吳道士

戲荅仇夢得承制 和任夫人悟道

和荅魏道輔寄懷十首

堂堂陽元公人物妙晉東魏侯多能事髣髴見家風長魚

無波濤坐與蝦蟇同諸山搖落盡旅食歲時窮

平生弄翰事各事半九州天末違故人園蔬當肴蕞酒闌

豪氣在尚欲權肥牛虞卿不窮愁後世無春秋

豪氣在尚欲推肥牛虞卿不窮愁後世無春秋

雷行萬物春天震而地撼閉塞成冬冰楚越自肝膽貂狐
諒柔溫藜藿自羹糝相思牛羊下城鼓寒統統

劒埋豐城獄氣與斗牛平皇明燭九幽湔袂用神兵誰言
黃沙積矢盡鼓不鳴至今門下士落涕為荆鄉

別時燕辭屋草黃秋半分今來冬至稍添刺繡文百年
幾會合美酒不屢釀犀牛可乞角窮士難薦論

排江鬼瞰室貫朽粟紅塵君行誰為容款門定生嗔諒無
綿袍故盡是白頭新天涯阿介老有鼻可揮斤

赤豹負文章歲晚智剗剗渴飲南山霧飢食西山蕨封狐
託脂澤眉頰頰秀發時時一樽酒婆娑弄風月

猛虍倚山號強梁不敢前失身檻穽間搖尾乞人憐男子

要身在萬金自保全雲黃雉伏霜鷓莫空拳
生涯共七十去日良已半短長相舐望面一作盡酒可斷
大道體甚寬窘束非達觀莫問夜如何醉從鷄號旦
明駝思千里駕馬怯負荷小人蠹詩書安樂北窻臥瓢空
且乞飯兒寒教補破機巧生五兵百拙可用過

代書

阿熊去我時秋暑削甘瓜離別日月除蓮房倒箭韋得書
報平安肥字如栖鷓汝才躍鑪金自必爲鎔鄒窮年抱新
書挽條咀春葩弄筆不能休屈宋欲作衙屈指推日星許
身上雲霞安知九天關虎豹守夜叉視田操豚蹄持狹所
欲奢文章六經來汗漫十牛車譬如觀滄海細大極龍蝦
古人以聖學未肯廢百家舊山木十圍齋堂綠陰遮紅稻

古人以聖學未肯廢百家舊山木十園齋堂綠陰渡紅橋

香盃飯黃鷄歌食鮭摩挲垂腹腹頗復讀書耶念汝齒壯
矣無婦助烹茶父兄亦憐汝須兒牧犬狝且伐千章材贈
行當馬過羸糧果後時定隨八月槎覺民在中林丁丁聞
免置奉身甚和友幹父辦咄嗟臺源吟松籟先生岸中紗
留客醉風月繁筓供柔嘉仍工朱絲絃洗心拂竒邪孤臣
發楚調傾國怨胡笳把筆學周鼓冢形雖畫沙詩書乃甫
好不爲蓬生麻元明祖師禪妙手發琵琶已無富貴心鼓
吹一池蛙天民服農圃頗復秋斂賒下田嘗未耘入嶺按
新畬悉力輸王賦至今困生涯知命叔山徒爐香嚴佛花
唯思苾芻園脫冠著袈裟起衆望兩季佩金躅朝鞞嘉魚
在南國宗廟薦鱸魚我爲萬夫長朝論不齒牙刺頭簿領
中蚤虱廢搔爬世界已纏縛官箴易疵瑕何時煙雨裏驅

卷之八

四

羊入金華遣奴迫王事不暇學驚蛇

學一作草

寄陳適用

日月如驚鴻歸燕不及社清明氣妍暖疊疊向朱夏輕衣
頗宜人裘褐就施架已非紅紫時春事歸桑柘空餘車馬
跡顛倒桃李下新晴百鳥語各自有匹亞林中僕姑歸苦
遭拙婦罵氣候使之然光陰促晨夜解甲號清風即有幽
蟲化朱墨本非工王事少閑暇幸蒙餘波及治郡得黃霸
邑隣陳太丘威德可資借決事不遲疑敏手擘秦華頗復
集紅衣呼僚飲休假歌梁韻金石舞地委蘭麝寄我五字
詩句法窺鮑謝亦嘆薄願勞行欲問田舍相期黃公壚不
異秦人炙我初無廊廟身願執耕稼今將荷鋤歸區羊畦
并蔗觀君氣如虹千輩可陵跨自當出懷璧往取連城價

主燕觀君氣如虹千載可陵跨自當出懷璧性取連城價
賜地買歌僮珠翠羅廣厦富貴不相忘寄聲相慰藉

奉送時中攝東曹掾

公退蒲團坐後亭短日松風吟萬籟黃葵紫菊委榛叢雪
梅靚粧欲無對遣騎相呼近清樽言君曉鼓前徃旆蒼崖
按轡虎豹號野水呼船風雨晦昨日歸來有行色未曾從
容解冠帶府中奪我同官良簡書趣行將數輩王事君今
困馬鞍田園我亦思牛背安得歸舟載月明盧鷺白鷗爲
友生一身不是百年物五湖無邊萬里行欲招蓑笠同雲
水念君未可及吾盟富於春秋貌突兀睥睨滿世收功名
叅軍雖卑獄司命多由陰德至公卿鎮願折額秦相國不
滿三尺齊晏嬰丈夫身在形骸外俗眼那能致重輕

次韻和荅孔毅甫

鵬飛鯤化未即逍遙游龍章鳳姿終作廣陵散溢浦鑪邊
督數錢故人陸沉心可見氣與神兵上斗牛詩如晴雪濯
江漢把誅公詩闔且開旁無知音面墻歎我今廢書迷簿
領魚蠹筆鋒蛛網硯六年國子無寸功猶得江南萬家縣
客來欲語誰與同令人熟寐觸屏風竊食仰愧冥冥鴻少
年所期如夢中江頭酒賤樽屢空南山有田歲不逢相思
夜半涕無從千金公亦費屠龍

再用舊韻寄孔毅甫

鑿中之髮蒲柳望秋衰眼中之人風雨俱星散往者託體
同青山健者漂零不相見庾公樓上有詩人平生落筆寫
河漢置驛勤來索我詩自說中郎識元歎我方凍坐酒官
曹爲公然薪炙冰硯不解窮愁著一書豈有文章名九縣

奴星結柳送文窮，退倚北窻睡松風。太阿耿耿截歸鴻，夜
思龍泉蹕匣中。斗柄垂天霜雨空，獨鴈叫群雲萬重。何時
握手香爐峰，不看寒泉濯臥龍。

寄題安福李令適軒

琳宮接叢霄，淥水連翠微。幽花露林薄，好鳥娛清輝。道人
勤洒掃，令尹每忘歸。孝慈民父母，虎去蝗退飛。來思僚友
同歌舞，醉紅衣。定知與民樂，吏度吾民肥。

寄題安福李令先春閣

宮殿繞風煙，江山壯城郭。令君毓桃李，面春繁飛閣。春至
最先知，雨露偏花藥。是日勸農桑，冰銷土膏作。弦歌出縣
齋，裴回問民瘼。鷄犬聲相聞，嬰此簿領縛。安得携手嬉烹
茶，煨鴨脚。

和孫公善李仲同金櫻餌唱酬二首

人生欲長存日月不肯遲百年風吹過忽成耳蔗滓傳聞
上世士烹餌草木滋千秋垂綠髮每恨不同時李侯好方
術肘後探神奇金櫻出皇墳刺索覽霜枝寒窻司火候古
鼎凍膠飴初嘗不可口醇酒和味宜至今身七十孺子色
不衰田中按耘鋤孫息親抱持却笑鄰舍公未老須杖藜
假守富春公秋豪聽民詞夙夜臨公廳歸臥酸體肢李侯
來領藥期以十日知深中護靈根金鑠祕玉芪不須許芥
子辛勤來玉芝我方困健訟搗翁爭一錐不能鳴弦坐頗
似巫馬期敢乞刀圭餘歸和卵飲庖儻令憂民病從此得

國醫

寄題安福李令愛竹堂

淵明喜種菊子猷喜種竹託物雖自殊心期俱不俗

淵明喜種菊子猷喜種竹
託物雖自殊心期俱不俗
千載得李侯異世等風流
為官恐是陶彭澤愛竹最知王子猷
寒窻對酒聽雨雪夏簟烹茶臥風月
小僧知令不凡材自掃竹根培老節
富貴於我如浮雲安可一日無此君
人言愛竹有何好此中難為俗人道
我於此物更不疎一官窘束何由到

二月二日曉夢會於廬陵西齋作寄陳適用

燕寢著鑪香惜七閨窻闌夢到郡城
東笑談西齋月行樂未渠央苦遭晴鳩聒
江郡梅李白士女嬉城闕聞道潘河陽
滿城花秀發頗留載酒車共醉生塵鞅
想見舞餘姿風枝斜蔓髮鄙夫不舉酒
春事亦可悅雨足肥菌芝沙暄饒筍蕨
海牛壓風簾野飯薰僧鉢飽食愧公家
曾無助毫末

勸鹽推新令王欲惇獨活此邦淡食儉陋深刺骨公困
積山丘賈豎但圭撮縣官恩乳哺下吏用鞭撻政恐利一
源未塞兔三窟寄聲賢令尹何道補黥刑從來無研桑顧
影愧簪笏何顏課殿上解纜行采葛

次韻周德夫經行不相見之詩

春風倚樽俎綠髮少年時酒膽大如斗當時淮海知醉眼
繫九州何嘗識憂悲看雲飛翰墨秀句詠蛛絲樂如同隊
魚游泳清水湄波濤倏相失歲月秣馬馳客事走京洛鄉
貢趨禮闈艱難思一臂講學抱群疑邂逅無因得君居天
南陲誰言井底坐忽枉故人詩清如秋露蟬高柳噫衰遲
感歎各頭白民生竟自癡過門不我見寧復論前脰杯酒
良難必况望功名垂吉守鄉人久改感天生蒼綠柳陰鈴

閣紅蓮媚官池開軒向日高會無吏譏琵琶二十四

閣紅蓮媚官池開軒納日月高會無吏譏琵琶二十四明
粧百騎隨為公置樂飲纔可慰路岐矧公妙顧曲調笑才
不羈幕中佳少年多欲從汝嬉人事喜乖悟曾莫把一庖
朝雲高唐觀客枕勞夢思主翁悲琴瑟生憎見蛾眉君亦
睨坎坷有句怨棄遺夜光暗投人所向蒙詆嗤相思秋日
黃西嶺含半規老矣失少味尚能詩酒為忽解扁舟下何
年復來茲寄聲緩行李激箭無由追

寄傅君倚同年

有情清江水東下投豫章故人江上居不寄書一行相思
對明月談笑如清光向風長歎息孤鴈起寒塘傾駕鬱結
懷因之東南翔姑氏有淑質幽林蘭靜芳願因奉箕箒頽
藻羞蒸嘗念君方策名要津邁騰驤引車入里門觀者塞

路旁邕上求匹好羔鴈妾潘揚碩惟蓬茅陋豈能屈東床
眷言南鳴鴈七子伊在桑幸緣一日雅結好永不忘

次韻章禹直魏道輔贈荅之詩

我老倦多故心期馬少游願為春眠蠶吐絲自綢繆
魏公子閱世無全牛吹噓鼓萬物領袖傾九流昨來懷白
璧往撼西諸侯中丞文武將良非衛霍侔誓開河源地畫
作禹貢州壯士捐軀死鯨鯢尚吞舟客心無一寸草食隨
百憂故人道舊語末路非前籌重來滕王閣楓葉江上秋
章子飽經術賦詩如曹劉太學得虛名權勢殊未允禍機
發無妄對吏抵搶頭遇逢權詎赦帝澤萬邦休章江三年
拘解裝賣莫愁灑姬泣八悔生故難豫謀避近識面晚困
窮理相收夜語倒樽酒參旌偃風旒兩公但取醉古今共

高丘

次韻道輔雙嶺見寄三疊

明如九井璫美如三危露正觀魏公孫今來功名誤兒時
漢南柳搖落傷歲暮時不與我謀羲和促天步生涯魚吹
沫文彩豹藏霧人言壺公老渠但未得趣飲酒入壺中茫
然失巾屨時不與我謀今君向何處蓮塘倒箭教桂影涼
一作霜兔平生知音地地下無尺素十夜九作夢虜乘驚
沙度時不與我謀征西枕戈去

次韻道輔旅懷見寄

歲華其將晚霜葉不可風生理魚乞水歸心鳥飛空風塵
化衣黑旅宿夢裙紅人言家無壁自倚筆有鋒轉蓬且半
歲交臂各衰翁扁舟去日遠明月與君同露晞百年駛麟

獲萬事窮裝懷酒澹淡塞意霧空濛諸公尚無恙不
見陳元龍

寄餘干徐隱甫

江行長遭回風水憂索米相逢解人頤豪士徐孺子鸕鷀
葭葦間煮茗當酌醴夜船餉蒸鵝白髮厭甘旨東江始分
風苔網饋百紙遣典夜賦詩月冷石齒齒別來星環天再
見艷桃李竒聲良勞動報我翮雙鯉但聞佳邑政柶械生
菌耳頗聞延諸儒破頰頰顧予曰下邑庭聚雨前蟻
耳筆誦漢章錐刀筆未已初無得民具名實正尔尔願聞
庖丁方江湖天到水遙知解千牛袖手笑血指書來儻垂
教教辭改事從此始

空齋六經說

解廢耳目短生行衰謝黃落省草木

世不知有酒客可速誰能縛詩書閉門抱羈獨披襟臨
臯萬籟發空谷風力斜鴈行山光森雨足壁蟲先知寒機
織日夜促居人思行人裘褐誰結束行人喜歸來邂逅天
從欲可柰醜生塵嚴霜凍杞菊

八月十四日夜刀坑口對月奉寄王子難子聞適

用聞郡中數月未嘗有燕若

去年對月廬陵郡醉留歌舞蹋金沙今年今夕千峯下新
磨古鑿動菱花寒藤老木被光景深山大澤皆龍蛇西風
為我奏萬籟落葉起舞驚淒鴉遙恰城中二三友風流慣
醉玉釵斜今夕傳杯定何處應無二十四琵琶

贈王環中

丹霞不蹋長安道，生涯蕭條破席帽。囊中收得劫初鈴，夜
靜月明師子吼。那伽定後一爐香，牛沒馬回觀六道。耆域
歸來日未西，一鉏識盡婆娑草。

戲和于寺丞乞王醇老米

君不見公車待詔老，談諧幾年索米長安街。君不見杜陵
白頭在同谷，夜提長鏡搯黃獨。文人古來例寒餓，安得野
蠶成蠶。天雨粟，王家主田登，幾斛于家買桂炊白玉。

贈朱方李道人

顴骨橫穿壽門過，年比數珠刺三顆。橫吹鐵笛如怒雷，國
初舊人唯有我。

戲題曾處善尉廳二首

雞時啄鴈如駕鵝，萬里天衢凡一渡。宮錦絡衫弓石八與

人同狀不同科

超然臺

茅茨中安一床寂天女元非世間色道人今日八關齋莫
散花來染衣裊不動

寄上高李令懷道

李侯湖海士瓜葛附婚友平生各轉蓬未曾接樽酒寄聲
維勞動江路常永久節物居然秋蛭蟲悲高柳傳聞闕學
館鼓士薦豚韭能使珥筆黥稍知忠信有矯虎縮爪距詩
禮開戶牖事勝感邦人伐山謀不朽武功筆如椽文字爛
瓊玖謂予有書癖摹篆寫科斗不珍金石刻要我一揮肘
安知乃兒戲敢傳萬世後摩拂幼婦篇慙非換鵝手公其
勤勞來嘉政民父母不用琢蒼崖豐碑在人口

謝文顯元豐上文藁

虎豹文章非一斑乳雉五色蜃胎寒天生材器各有用相
如名獨重太山風流小謝宣城後少年如春膽如斗裕陵
書藁公不朽持心鐵石要長久

讀方言

八月梨棗紅繞墻風自落江南風雨餘未覺衣衾薄壁中蠅
憂寒來催婦織衣去著^音荒畦杞菊花猶用充羹臙連日
無酒飲令人風味惡頗似揚子雲家貧官落魄忽聞轡軒
昔遊讀勞輔齟虛堂漏刻剛九土可領略願多載酒人喜
我識字博設心更自笑欲過屠門嚼往時抱經綸待價一
丘壑卜師非熊熊夢相解靡索所欲吾未奢黨使耕可獲
今年美半麥厨饌豐餅拓厚亦腹中書安知非糟粕

送昌上

昭覺堂中有道人龍吟以韻隨風雲雨花經席冷如鐵一
滕日轉十二輪寶勝蓬蒿荒小院理沒醯羅三隻眼箇是
江南五味禪更往參尋莫擔板

送彥孚主簿

斯文當兩都江夏世無雙叔度初不言漢庭望風降中間

耻人物潛伏老崆嶺反辭江本朝開典禮棫樸作株椿世父

盛文藻如陸海潘江三戰士皆北轍弓錦韜紅白衣受傳

詔短命終螢窗夢升臥商陽耆舊無兩龐空鏡歐陽銘松

風悲隴隴變四海群從間爾來頗瑋反士耕淙反士江主簿吾

宗秀其能任為邦驅幹雖眇小勇沉鼎可扛擇師別陳許

取友觀非遠折菁佐鬣令邑訟銷吠尤時邀府中飲下箔

蠟燒缸缸囊焚手金清夜酒百缸同僚有惡少嘲謔語亂

唯吾但隱几笑語老嘆教瓦况迺工朱墨氣和信甚在持
此應時須十年擁麾幢相逢常執掌衙鼓趨擊擊音簿書
敗清談汗顏吏樵樵意臨分何以贈要我賦蘭茝黃華雖
衆笑白雪不同腔野人甘芹味敢饋厭羊羶音顧余百短拙
飽腹驚臍音臍音臍音維思解官去一丘事耕糞意君當取
富貴鍾鼓羅擊撞伏藏黜廳徑猶想足音足

寄朱樂仲

故人昔在國北門鄰舍杖藜對樽酒十五餘年乃一逢黃
塵急流語馬首顧書愧見南飛鴻君居三十六峯東我心
想見故人面曉兩垂虹到望松

從王都尉覓千葉梅云已落盡戲作嘲吹笛侍兒

若爲可耐昭華伴脫帽看髮已微霜催盡落梅春已半更

吹三弄乞風光

次韻子瞻書庭經尾付寒

琅函絳簡藥珠篇寸田尺宅可斬仙高真接手玉宸前
文丁來謁粲六妍金鑰閉欲形定堅萬物蕩盡正秋天使形
如是何空緣蘇李筆墨妙自然萬靈拱手書已傳傳非其
人恐飛騫當付驪龍藏九淵賽侯奉告請周旋緯蕭探手
我不眠

次韻叔父夷仲送夏君玉赴零陵主簿

田實堂上酒未醉已變態何如東陵瓜子母相鈎帶富貴
席未暖珠玉作災怪茅茨雖長貧終有懿親在丈人困州
縣短髮餘會最居然枳棘棲坐閱歲月代青雲已迷津濁
酒未割愛薄頌能無休釘餌喚魚菜韜菘苦地福江湖見

天大萬里一帆檣長風可倚賴因行訪幽禪頭陀煙雨外

謝曹子方惠二物二首

飛來海上峯琢出華陰碧注香上裊裊映我鼻端白聽公

談昨夢沙暗雨矢石今此非夢耶煙寒已無迹博山

短喙可候煎枵腹不停塵蟹眼時探穴龍文已碎身茗椀

有何好煮餅被籠珠石交諒如此湔袂長日新煎茶

送曹子方福建路運判兼簡運使張仲謀

曹侯黃須便弓馬從軍賦詩橫梨間阿瞞文武如兕虎遠

孫風氣猶斑斑昨解弓刀豈太僕坐看收駒十二閑遠方

不異輦轂下詔鴻運中使哀恫鰥吾聞斯民病鹽菜天有雨

露東南乾謝君論河秉禹貢詰難蠶起安如山老郎不作

愚失計凜然宜善侍臣冠願公不落謝君後江湖以南尚

少寬百城閱人如閱馬泛駕亦要知才難鹽車之下有絕

少寬百城閱人如閱馬泛駕亦要知才難鹽車之下有絕
足敗群勿縱爲民殘官焙薦壁天解顏淪湯試春聊加滄
子魚通印蠖破山不但蕉黃荔子丹道逢使者漢郎官清
溪弭節問平安天子命我參御事奮髯相對亦可歡迴波
一醉嘲栲栳山一作驛官梅破小寒

戲贈曹子方家鳳兒

東芽入湯師子吼荔子新剥女兒頰鳳郎但喜風土樂不
解生愁山疊疊目如點漆射清揚歸時定自能文章莫隨
閩嶺三羊語轉却中原萬籟簧閩嶺一作阿因

題老鶴萬里心

仙人駕飛騎朝會白雲衢老驥不服乘清唳徹九虛野田
篁竹底禬總伴雜鳧時因長風起猶欲試南圖

題韋偃馬

韋侯常喜作群馬杜陵詩中如見畫忽開短卷六馬圖想
見詩老醉騎驢龍眠伴馬晚更妙至今似覺韋偃少一洗
萬古凡馬空句法如此今誰工

子瞻題狄引進雪林石屏要同作

翠屏臨研滴明窻翫才陰意境可千里搖落江上林百醉
歌舞罷四郊風雪深將軍貂狐暖士卒多苦心

和曹子方雜言

正月尾垂雲如覆孟鴈作斜行書三十六陂浸煙水想對
西江彭蠡湖人言春色濃如酒不見插秧吳女手冷卿小
塢頭藏春張侯官居柳對門當風橫笛留三弄燒燭圍碁
覆九軍盡是向來行樂事每見琵琶憶朝雲只今不舉誠

眉酒紅牙捍撥網蛛麻曹侯來書水太僕試說相馬猶可

眉酒紅牙捍撥網蛛塵曹侯束書承太僕試說相馬猶可
入照夜白真乘黃萬馬同秣隨低昂一矢射落皂鵝懸張
侯猶思在戎行橫山虎北開漢疆冷卿智多髮蒼浪牛刀
發矧思一邦政成十綴舞紅粧兩侯不如曾子方朶頤論
詩蝟毛張龜藏六用中有光何時端能俱過我掃除北寺
讀書堂菊苗蕪餅深注湯更碾盤龍不入香

送張材翁赴秦篆

金沙醱醱春縱橫提壺采留催酒行公家諸父酌我醉橫
笛送晚延月明此時諸兄皆秀發酒間乞書藤紙滑北門
相見後十年醉語十不省七八吏事袞袞談趙張乃是樽
前綠髮郎風悲松丘忽三歲更覺綠竹能風霜去作將軍
幕下士猶聞防秋屯虎兒只今陛下思保民所要邊頭不

生事短長不登四萬日愚智相去三十里
百今舉酒更若爲千戶封侯儻來爾

摩詰畫

丹青王右轄詩句妙九州物外常獨性
人間無所求袖手南山雨朝川桑柘秋
胸中有佳處淫渭看同流

和劉景文

追隨城西園殘暑欲退席夜涼雨新休
城譙挂蒼壁佳人携手嬉調笑忘日夕
劉侯本將家今爲讀書客詩名二十
年風雅自推激牛鐸詞黃鍾薪餘合琴瑟
食無千戶封句有萬人敵頗類鄴侯家
連牆架書冊殘編汲縣冢半隸鴻都壁
渠成亦秦利願公多購獲竟湏卜比鄰
勞苦扣飲食身有小醜女已自喜翰墨
要傳未見書遮眼差有益人生

但安樂卷外豈可力分應覺夢亡羊路南北公今百察

但安樂券外豈吾力分鹿誰覺夢亡羊路南北公今百察
底雪髮不勝憤愛公欲渝拂頤我已頭白

寄忠玉提刑

市骨斲千里量珠買娉婷駑駘參逸駕西子泣深屏吾人
材高秀胸次別渭涇嚴能喜劇部持節按祥刑萑蒲稍衰
息郡縣或空罔讀書頭愈白見士眼終青今時斤斧地虛
次待發硯早晚紫微禁占來有使星

送呂知常赴太和丞

我去太和欲暮矣呂君初得太和官邑中亦有文字樂惜
不同君澗谷繁觀山千尺夜泉落快閣六月江風寒往尋
佳境不知處掃壁覓我題詩看

和荅莘老見贈

往歲在辛丑從師海瀕州外家有行役拜公古邗溝兒曹
被鑒賞許以綜九流仍許歸息女采蘋助春秋斯文開津
梁盛德見虛舟離合略十年每見仰清修久次不進遷天
祿勤校讎文武脩家職諫垣始登收身趨鄴公城逐臣既
南浮變彼丞中饋家庭供百羞堂堂來問寢忽爲雲霧休
遺玩猶在篋汝水遠墳在南箕與北斗日月行置郵相逢
輦轂下存沒可言愁當年小兒女生子欲勝衆甌越委琴
瑟江湖拱松楸持節轉七郡治功無全牛還朝蒙嗟識明
月豈暗投抱被直延閣踈簾近奎鈎三生石上夢記是復
疑不隱几付天籟閔人如海鷗襟懷俯萬物顏鬢與百憂
長歌可當泣短生等蜉蝣悲歡令人老萬世略同流軒冕
來逼身白蘋晚滄洲復拂知道肥淨室見天遊小人樂蛙

來通身白頭... 履拂知道肥淨室見天遊小人樂蛙
疑嘉願虎頭世終... 嚼堪膏相謝封侯松想養菘

晏望草軸

老杜浣花谿圖引

拾遺流落錦官城故人作尹眼為青碧雞坊西結茅屋百

花潭水濯冠纓故衣未補新衣綻空蟠一作淨胸中書萬卷

探道欲度羲皇前論詩未覺國風遠干戈崢嶸一作風且暗

寓縣杜陵辛曲無雞犬老妻稚子且眼前弟妹飄零不相

見此公樂易真可入園翁溪友肯卜鄰鄰家有酒邀皆去

得意魚鳥來相親浣花酒船散車騎野塹無主看桃李宗

文守家宗武扶落日蹇驢馱醉起願聞解鞍脫兜整老儒

不用千戶侯中原未得平安報醉裏眉攢一作清萬國愁

生綃鋪牆粉墨落平生忠義今寂寞兒呼不蘇驢失脚猶

恐醒來有新作常使詩人拜畫圖膠續絃千古無

奉謝劉景文送團茶

劉侯惠我大玄璧上有雌雄雙鳳跡
鵝溪水練落春雪粟面一杯增目力
劉侯惠我小玄璧自我半壁煮瓊糜
收藏殘月惜未碾直待阿衡來說詩
絳囊團團餘幾璧因來送我公
莫惜箇中涓羌飽湯餅雞蘇胡麻煮同喫

謝景文惠浩然所作延珪墨

延珪質墨出蘇家麝煤添澤紋烏鞞
柳枝瘦龍印香字十襲一日三摩挲
劉侯愛我如桃李揮贈要我書萬紙
不意神禹治水圭忽然入我懷袖裏
吾不能手抄五車書亦不能寫論付官奴
便當閉門學水墨灑作江南驟雨圖

奉和公擇賢氏送呂道人研長韻

奉和公擇賢氏送呂道人研長韻

奉日玉壺冰立朝朱絲絃妙質寄邱匠素心乃林泉刀耕
不罪歲嘉穀有逢年校書天祿閣莚竹老風煙提携寒泉
泓松煤厭磨研籍甚在臺省六經勤傳箋諫草蠹穿穴江
湖渺歸舫春官酌典禮日月麗秋天少也長母家學海顏
尋法諸公許似舅賤子豈能賢駘駒豕推挽官次奉丹絃
新詩先舊物包送比青甌繆傳黃梅鉢未印少林禪汲井
滌敗墨蒼珪謝磨鑄玉蟾馮明滴要須筆如椽眷求盡耆
德舅氏且進遷山龍用補袞舟楫功濟川當身任百世舊
學不虛捐私持殺青簡緝綴報餐錢屢書願無愧儻繼麟
趾篇

再和公擇舅氏雜言

外家有金玉我躬之道術有衣食我家之德心使我蟬蛻

俗學之市烏嗜仁人之林養生事親沆師古炊玉爨桂能
至今歲莫三十裹食口三百指寒不緝江南之落毛飢不
拾祖公之掾子平生荆雞化黃鵠今日江鷗作樊雉人言
無忌似宰之挽八書林覩文字更蒙著鞭翰墨場贈研水
蒼珪玉方蓬門繫馬晚色淨茅簷垂虹秋氣涼湔拂垢面
生寒光漢隸書呂規其陽呂翁之治與天通不但澄淫燒
鉛黃初疑蠻溪水中骨不見鸚鵡目突兀但見受墨無聲
松花發頗似龍尾琢紫烟不見羅縠紋粼粼但見含墨不
泄如寒淵往在海瀕時晨夕親几杖恪居有官次遣吏問
無恙撫摩寶泓置道山鬱鬱秀氣似舅眉宇間其重可以
回進躁之首其温可以解橫逆之頑烏庠端是萬乘器紅
絲潭石之際知寸難

沈麟峇王四

病懶百事廢不惟書問疎新詩苦招喚是日鎖直廬潢汙
深一尺大道覆行車晴夜遙相似秋堂對望舒

題畫鵝鴈

鴛鴦引頸回似我曾中宇右軍數能來不爲口腹事
水國鴻鴈秋烟沙風日麗莫遣弓角鳴驚飛不成字

送六十五弟真南歸

風驚鴻鴈行吹落秋江上爲掃碧巖邊問叔今無恙

贈陳師道

陳侯學詩如學道又似秋蟲噫寒草日晏腸鳴不俛眉得
意古人便忘老君不見向來河伯真兩河觀海乃知身一
蠡旅床爭席方歸去秋水黏天不自多春風吹園動花鳥

霜月入戶寒皎皎十度欲言九度休萬人叢中一人曉貧
無置雖人所憐窮到無雖不屬天呻吟成聲可管絃能與
不能安足言

松下淵明

南渡誠草草長沙慰勤艱終風霾八表半夜失前山一本此

句云平生一杯酒政在管葛間遠公香火社遺民文字禪雖非老翁事清

尚亦可觀松風自度曲我琴不須彈客來欲開說觴至不

得言

十四弟歸洪州賦莫如兄弟四章贈行

惱人自作樂休休莫莫相看將白頭止有不如昨

北來哺慈鳥南歸護爾雛昨夜雲飛鴈相隨我不如

志欲收九族別離乃同生誰能成此意惟有孔方兄

大夫... 悲時刻意教子弟... 掃松楸... 我弟... 里涕

志欲收九族別離乃同生誰能成此意惟有孔方兄
大夫三恙時刻意教子弟歸掃松楸下我萬里涕

遊李夫人偃竹

孤根偃蹇非傲世勁節癯枝萬壑風
閨中白髮翰墨手落筆乃與天同功

贈吳道士

吳仙十二棊一擊玄關應探入懷中事如月入清鏡

戲荅仇夢得承制

仇侯能騎矍鑠馬席上亦賦競病詩
玄冬未雷蒼蛇臥玉山無年天馬饑
三年荷戈對搖落十倍乞弟亦可縛
何如萬騎出河西捕取弄兵黃口兒

和任夫人悟道

夫亡子幼如月魄摧盡蛾眉作詩客
二十餘年刮地寒見

兒成人乃禪寂萬事新新不留故瘦滕六尺持門戶煩惱
林中即是禪更向何門覓重悟

豫章黃先生外集第四



豫章黃先生外集第五

黃庭堅畫直

豫章黃先生外集第五

黃庭堅魯直

古詩七十六首 雜行體詩

題落星寺四首 王京軒

過致政也田劉公隱廬

題杜繁澗叟冥鴻亭 宮亭湖

泊大孤山作 貴池

大雷口阻風 庚寅乙未猶泊大雷口

乙未移舟出口 丙申泊東流縣

阻風銅陵 阻水泊舟竹山下

金陵

十月十三日泊舟白沙江口

發白沙口次長蘆 阻風入長蘆寺

次韻伯氏長蘆寺下

別蔣穎叔

贈別李端叔

汴岸置酒贈黃十七

曉放汴舟

次盱眙同前韻

外舅孫莘老守蘇州留詩斗野亭

題大寒倉達觀臺二首

庭堅得邑大和六舅按節出同安邂逅於皖公

溪口十首

同蘇子平李德叟登擢秀閣

書石牛溪旁大石上 題山谷大石

靈龜泉上

發舒州向皖口道中作寄李德叟

豐城

與胡君明處道飲融師竹軒

豐城
與胡琴明處道飲融師竹軒

何氏悅亭詠栢

薄薄酒二章 并序

放言七首

定交詩效鮑明遠體呈晁無咎

碾建溪第一奉邀徐天隱奉議并效建除體

再作答徐天隱

重贈徐天隱

八音歌贈晁堯民

八音歌贈晁堯民

古意贈鄭彥能

贈無咎

二十八宿歌贈別無咎

壽聖觀小隱軒

銅官縣望五松山

荊州即事藥名詩八首

題落星寺四首

星宮游空何恃落著地亦化為寶坊詩人晝吟山入座醉
客夜愕江撼林窰房各自開牖戶蟻穴或夢封侯王不知
青雲梯幾級更借瘦藤尋上方

巖巖正俗先生廬其下宮亭水所都北辰九關隔雲雨南
極一星在江湖相粘蠟山作居室窳鑿混沌無完膚萬鼓
春撞夜濤湧驪龍莫睡失明珠

落星開士深結屋龍閣老翁來賦詩寺僧擇隆作宴坐小
軒為落星之勝處

小雨藏山客坐久長江接天帆到遲宴寢清香與世隔晝

圖妙絕一作無人知僧隆畫甚富而寒
絕筆無人知山捨得畫最妙蜂房各自開戶牖

處處煮茶藤一枝

北風吹倒落星寺吾與伯倫俱醉眠螟蛉螺蠹但處坐夜

寒南北斗垂天感題落星寺壁時
與劉道純俱在

王京車馬...

玉京軒

玉京山在煇華下
呈寺僧開軒對之

蒼山其下向玉京五城十二樓鬱儀結鄰常杲杲紫雲黃
霧鎮玄關雷驅不祥電揮掃上有千年来歸之白鶴下有
萬世不凋之瑤草野僧雲臥對開軒一鉢安巢若飛鳥北
風卷沙過夜窻枕底鯨波撼蓬島箇中即是地行仙但使
心閑自難老

過致政屯田劉公隱廬

兒時拜公床眼碧眉紫煙舍前架茅茨爐香坐僧禪女奴
煮鬯粟石盆馮機泉今來掃門巷竹間翁蛻蟬堂堂列五
老勝氣失江山石盆爛黃土茅齋薪壞椽女奴爲民妻又
瘞蒿里園當年笑語地華屋轉朱欄課兒種松子傘蓋上
參天投策數去日木行天再環先生古人風鐵膽石肺肝

眼前不可意壯日掛其冠解衣廬君峯洗耳瀑布源霧豹
藏文章驚世時一斑衆人初易之火遠乃見難憶昔子政
在爲翁數解顏五兵森武庫河漢落舌端王陽已富貴塵
冠不肯彈呻吟刊十史凡例墨新乾宰木忽拱把相望風
隱寒石楹書萬卷少子似翁賢

上參天一
作高參天

題杜繁澗叟冥鴻亭

少陵杜鴻漸頗薰知見香風流有諸孫結屋廬山陽藉交
游俠窟獵艷少年場光恠驚鄰里收身反摧藏江湖拍天
流羅網蓋稻梁安能衍衍飽遂欲冥冥翔畏影走萬里不
如就陰涼亭東亭西渺煙水稻田衲子交行李古靈菴下
倚寒藤莫向明窻鑽故紙

宮亭湖

左手作圓右手方世人機敏便可爾一風分送南北舟

左手作圓右手方世人機敏便可爾一風分送南北舟
酌鬼神宜有此江津留語同濟僧他日求我於宮亭吁嗟
人言自有口獨為樂公不舉酒樂公千歲湖冥冥白茅縮
酒巫送迎朱轡皂蓋來託宿不聽靈君專此屋雄鴨去隨
鷗鳥飛老巫莫歌望翁歸貝闕珠宮開水府兩棟風簾豈
來處平生來往湖上舟一官四十已包羞靈君如願儻可
乞收此桑榆老故丘

泊大孤山作庚申一月

匯澤為彭蠡其容化鯤鵬中流擢寒山正色且無朋其下
蛟龍臥宮譙珠貝層朝雲與暮雨何處會高陵不見凌波
靉靆照澄凝空餘血食地獲嘯枯楠藤高帆駕天來落
葉聚秋蠅幽明異禮樂忠信豈其憑風波浩平陸何向非

履冰安得曠達士霜晴嘗一登

貴池

池人祀昭明為郭西九郎時新覆大舟水死十二人以為神之威也

橫雲初抹漆爛漫南紀黑不見九華峰如與親友隔憶當
秋景明九老對几席何曾開蓬牕臥聽寒兩滴不食貴池
魚喜尋昭明宅筆硯鼠行塵芝菌生銅鬲思成佳句夢貽
我錦數尺屬者浪吞舟風電更附益老翁哭婦兒相將難
再得存亡如日月薄蝕行道失流俗暗本原謂神吐其食
神理儻有私丘禱文以默

大雷口阻風

號騰下滄江避風大雷口天與水漠漠不復知地厚誰家
上江帆狂追雪山走孤村無十室旅飯三韭黃蘆花
歸此地廣千肘得禽多文字肯頭魚首柳花天

手麻鳴猶念群雛嬉竟賣友商人萬解船挂席上

弓故在手應鳴猶念群雉媒竟賣友商人萬斛船挂席上
牛斗橫笛倚柁樓沙深蒼龍吼失水不能神伐葭作城守
欲寄大雷書徃問長干婦何當楫迎汝秦淮綠如酒

庚寅乙未猶泊大雷口

廣原嗥終風發怒土囊口萬艘萍無根迺知積水厚龍鱗
火熒熒鞭笞雷震走公私連橋休森如束春韭倚筇蒹葭
灣垂楊欲生肘雄文酬江山惜無韓與柳五言呻吟內慚
愧陶謝乎送菜煩鄰船買魚熟溪友兒童報晦冥正晝見
箕斗吾方廢書眠鼻齟齬囊吼猶防盜窺家嚴鼓申夜守
治城謝公墩牛渚蕩子婦何時快登臨篙師分牛酒

乙未移舟出口

畏風濤復入遂宿焉同行有劉班善射沙夾遇盜劉手殺三人

江湖吞天曾蛟龍垂涎口養軀無千金特為親故厚本心

非華軒而與馬爭走聘婦緝落毛教兒釋蔥韭衣食端湏
幾將老猶掣肘安能詭隨人曲折作杞柳柯公甕盎癭楚
國不龜手生涯但如此那問託婚友久陰快夜晴天文若
科斗村南鬼火寒村北風虎吼野人驅雞豚縛落堅纏守
劉郎弓石八猛氣壓馮婦一試金僕姑歸飲軟臂酒

丙申泊東流縣

語曰東流速客驚動建德

前日發大雷真成料虎頭今日伐鼓出棹歌傲陽侯滄江
百折來及此始東流東流會賓客建德惟羊牛野語尚信
然小市黃蘆洲唯有采薪翁經營往來舟楫櫂盡斤斧山
童煙雨愁

阻風銅陵

頓舟古銅宮晝夜風雨黑洪波崩奔去天地無限高船入

謹維竹何暇思掛席憑江裂嵌空中有暗水滴洞視不

謹維竿何暇思掛席憑江裂嵌空中有暗水滴洞視不
前潭潭蛟龍宅網師登長鱸賈我腥釜鬲斑斑被文章
兀喙三尺言語竟不通噉喙亦何益魁梧類長者卒以
餌得浮沉江湖中波友永相失有生甚若相細大更噉
安得無垢稱對榻忘語默

阻水泊舟竹山下

竹山虫鳥朋友語討論陰晴怕風雨丁寧相教防禍機草
動塵驚忽飛去提壺歸去意甚貞柳暗花濃亦半春北風
幾日銅官縣欲過五松無主人

金陵

豪士阻江海瓜分域中權真人開關梁曾不費絃絃六朝
妙人物蔓草繁寒烟至今哀江南詠歌在漁舫窮山虎豹

穴摩衲擁高年青天行日月坐看磨蟻旋身將時共晚道
與世相捐猶能攬壯觀巨浸朝百川

時秀禪師在鍾山寺

十月十三日泊白沙江口

真州唐永正縣之白沙鎮也

岸江倚帆檣已專北風權飛霜挾月下百竿直如絃淥水
去清夜黃蘆搖白煙篙人持更柝相語聞並舩平生濯纓
心鷗鳥共忘年風吹落塵網歲星奔回旋險艱自得方細
故可棄捐至今夢洶洶呼禹濟黃川

河出崑崙墟色白其渠一千七百一川黃色

發白沙口次長蘆

篙師救首尾我爲制中權掛席滿風力如推強弩絃曉放
白沙口長蘆見炊烟一葉託秋雨滄江百尺舩反觀世風
波誰能保長年念昔聲利區與世闕周旋大道甚間瑕百
物不發捐誰知自力淨改觀舊山川

阻風入長蘆寺

福公開石室不借鄰國權
法筵森龍象天樂下管絃
我來雨花地依舊薰炉烟
金碧動江水鍾魚到客舩
茗椀洗昏著經行數徂年
歲寒風落山故鄉喜言旋
林回負赤子白璧乃可捐
侍親如履冰風雨愁暗川

次韻伯氏長蘆寺下

風從落帆休天與大江平
僧坊晝亦淨鍾磬寒逾清
淹留屬暇日植杖數連薨
頗與幽子逢煮茗當酒傾
携手霜木末朱欄見潮生
檣移永正縣鳥度建康城
薪者得樹鷄羹孟味南京香
杭炊白玉飽飯愧閑行
叢祠思歸樂獨樂薇蕨漸春榮

別蔣穎叔

金城千里要人豪，理君亂絲須孟勞。文星合在天東壁，清
都紫微醉雲璈。荆溪居士傲軒冕，曾吞雲夢如秋毫。三品
衣魚人，仰首不見全牛可下刀。秦川渭水森長戟，方壺蓬
萊冠巨鰲。萬釘寶帶瑠璃席，獻納論思赭袍連營貔虎湛
如水。開盡西河擁節旄，何時出入諸公間。淮湖閩舩今二
毛，鑿渠決策與天合。之所窘束縮怒濤，衣食京師看上計。
嗟下文武收英髦，春風淮月動清鑿。白拂羽扇隨輕舸，下
榻見賢傾禮教。後車載士回風騷，斲鼻於郢觀魚於濠。小
夫閱人蓋多矣，纔成季咸三見逃。

贈別李端叔

我觀江南山如日，不受垢憶食江南。微子獨於我厚在此，
思江山如懷冰雪。願千峯上雲雨，岑絕何由攀。當時喜文

人有兒子氣尔来頰頰白有兒能打起讀書浩湖海鮮
意開春冰成山更崇壩顧我醜丘陵白玉著石中與物太
落落淫滑相將流世不名清濁乞言既不易贈言良獨難
古來得道人挂舌屋壁間牧羊金華道載酒太玄宅支願
聽晤語願君喙三尺我行風雨夜船窻聞遠雞故人不可
見故人心可知

汴岸置酒贈黃十七

吾宗端居藜百憂長歌勸之肯出游

一作百文暮卷篇人
休侵星爭前猶幾舟

黃流不鮮澗明月碧樹爲我生涼秋初平群羊置莫問叔

度千頃醉即休

一作詩吟
酒買田翁社後第誰倚柁樓吹玉笛斗

杓寒挂屋山頭

曉放沐舟

秋聲滿山河行李在梁宋川塗事雖鳴身亦逐群動霜清
魚下流橘柚入包貢又持三十口去作江南夢

次盱眙同前韻

去此二十年持家西過宋起予者白鷗歸興爰飛動宮殿
明寶坊山川開禹貢破浪一帆風更占夢中夢

外舅孫莘老守蘇州留詩斗野亭庚申十月庭堅和

謝公所築埭未歎曲池平蘇州未賦詩句與秋氣清僧構
擅空閣浮光飛棟甍唯斗天司南其下百瀆傾貝宮產明
月含澤遍諸生槃礴淮海間風煙侵十城籟簫吹木末浪
波沸庖烹我來抄搖落霜清見魚行白鷗遠飛來得我若
眼明佳人歸何時解衣繞廂築

題大雲倉望觀臺二首

蘇州臺上鏡面平達人大概因我名何時燕爵賀新屋

蘇郎臺上鏡面平
達人歡因我名
何時燕爵賀新屋
喚取竹枝歌月明
瘦藤拄到風煙上
乞與遊人眼豁開
不知眼界闊多少
白鳥飛盡青天回

庭堅得邑太和六舅按節出同安
邂逅於皖公溪
口風雨阻留十日對榻夜語因詠
誰知風雨夜復
此對床眠別後更覺斯言可念
列置十字字爲八
句寄呈十首

鵲白不以烏蘭香
端爲誰外家秉明德
晚與世參差
乖離歲十二會面
卒卒期何言
滿丘底玉稻同一炊
滄江渺無津
同濟共安危
四海非不廣
舅甥自相知
孔鸞在榛梅
鵲鷦亦一枝
千里同明月
相期不磷緇

少小長母家拊憐輩諸童食貧走八方略已一老翁不能

成宅相頗似舅固窮何以報嘉德取琴作南風一作鼓琴

德人心寂寞立朝實莊語虎節坐山城孤雲猶能雨文章

被甥姪孝友諧婦女偃息一畝宮植梅當歌舞

江都克家才萬卷書插架願言渠出仕從舅問耕稼誰云

瀕老境此子即長夜歸歟森前期薛橘鉏甘蔗江都尉李

曩窺涉世方白駒且場穀平生漫歲晚志尚向山木返身

觀小醜真成覆車犢否臧六磊磊從此更二復

負薪反羊裘愛表只一作亦傷衣補紉雖云工歲晏安可恃

洗心如秋天六合無塵滓浮雲風去來在彼不在此

阿髯學升堂德幹母思靡悔文成魏桃李不言行道况阿

言語德警欲無對子姓何預人詞並要可佩阿

鮮衣眠相語清夜欲寐十年身石瓦險阻心已碎沙白
風更雨宿昔燭生光余憫無端冷明月一船霜
親依為日淺愛不舍我眠教我如牧羊更著後者鞭得邑
邇梅嶺開花向春妍碌碌幸苟免稱觴大人前

同蘇子平李德叟登擢秀閣

築屋晚公城木末置曲欄歲晚對烟景人家橘柚間獨口
司命峯衆口讓高寒松竹二橋宅雪雲三祖山哀懷造勝
境轉覺落筆難蘇李工五字屬聯不當慳

書石牛溪旁大石上

鬱鬱窈窕天官宅諸峰排霄帝不隔六時謁天開闕鑰我
身金華牧羊客羊眠野草我忘間高真衆靈思我還石盆
之中有甘露青牛駕我山谷路

題山谷大石

畏畏音委佳佳音背石谷水夔夔隆隆山木風爐香四百六

載開山者誰梁寶公

靈龜泉上

大靈壽日月化石皖公陂偶無斧斤尋不作亭上碑傾首

若有謂指泉來自西泉甘崖本老坐歛欲忘歸風流裴通

直一作喜轉一作轉商畧從我嬉蒔梅盈百科洗石出岷竒史約

聘石工鏡我靈龜詩舅弟妙學古湏眉卿家北海公筆法

可等夷為我書斯文要與斗牛垂舅弟李德叟

發舒州向皖口道中作寄李德叟

黑雲平屋一作雲晨夜隔星月曉裝商旅前冰底泥

古古野人一作耕騫一作耕騫一作侵蹇馬不能滑駝裘惜蒙茸俱落

水禽一作水鳥村小惱舍乞火乾履靴前登極峰一作高寒他日

飛鳥沒寒花委亂草耐凍鳴風葉一作梅含零江形

篆平沙分派回勁筆髯弟不俱來得句漫刻刷一作句奇漫得

却望同安城唯有松鬱鬱遙知浦口晴諸友年見明雪一作松雪

豐城

亭上有李商隱公劍池賦世父長善石隄記

豐城邑巖巖水種六萬戶石隄眠長虹輟梓日沉霧令君

政有聲新亭延客步淚落世父碑心傾文饒賦憶昔兩神

兵埋獄思武庫寒光射漢津兩賢紆一顧張公拚中台本

拱孔章墓不能從兒嬉歲晚龍蛇去空餘寒泉泓因雨長

蛙鮒鉉刀藏寶室萬世同此度

與胡彥明處道飲融師竹軒

井寒茶鼎甘竹密午陰好瓜嘗引平種酒為何侯倒倦頤

繁礪羸歸可倒著帽欲去更少留道人談藥草

何氏悅亭詠柏

澗底長松風雨寒罔頭老柏顏色悅天生草木臭味同同
盛同衰見冰雪君莫愛清江百尺船刀鋸來謀歲寒節千
林無葉草根黃蒼髯龍吟送日月

薄薄酒二章 并序

蘇密州為趙明叔作薄薄酒三章情世疾邪其言甚高
以予觀趙君之言近乎知足不辱有馬少游之餘風故
戊午二章以終其意

薄酒可與忘憂醜婦可與白頭徐行不必駟馬稱身不必
狐裘無禍不必受福其餐不必食肉富貴於我如浮雲小
訶大戮辱一身畏首復畏尾客飽僅僕美物

必甚惡厚味生五兵匹夫懷望死百鬼瞰高明醜婦

必甚惡厚味生五兵匹夫懷董死百鬼瞰高明醜婦千秋
萬歲同室萬金良藥不如無疾薄酒一談一笑勝茶蕙空
封侯不如還家

薄酒終勝飲茶醜婦不是無家醞醞養牛等刀鋸深山大
澤生龍蛇秦時東陵千戶食何如青門五色瓜傳呼鼓吹
擁部曲何如春雨一池蛙逆嗣太傅促和藥何如羊裘釣
煙沙綺席象床瑠王枕重門夜鼓不停檣何如一身無四
壁滿船明月臥蘆花吾聞食人之肉可隨以鞭朴之戮乘
人之車可加以鈇鉞之誅不如薄酒醉眠牛背上醜婦自
能搔背痒

崑下放言五首

林居野處而貫萬事花
落鳥啼而成四時物有
才德水爲

官師空明湛羣木之影博擊下諸峯之巖游魚淨而知機

君子樂而忘歸勤

水嬉者游魚林樂者啼鳥志士仁人觀其大新翁苟婦利

其小有美一人獨燕居萬物之表亭

石生涯於寒藤上喬造於崖樹熬插翼而成鵬隘六合而

未翦我來兮自東攀桂枝兮客與倚巖巖兮碩同來謂公

等其皆去冠鰲

石蘊瓊璫山得其來之澤木無犧象天開不材之祥屹金

爐之突兀其山海之來翔然以明哲之火熏以忠信之香

俯仰一時非智所及付與萬世其存者長博山

蒼苔古木相依潤壑之濱黃葛女蘿自致風雲之上人就

陰而息亦鳥投莫而來歸水影林光常相助發溪聲斧響

直下稱提

靈櫓

題章和甫釣亭 放言

斬木開亭却倚石壁寒灘百雷古木千尺觀魚樂而相忘
聽鳥啼而自得去而京洛之間數年猶嘗夢嶄崑之石

贈元發弟 放言

虧功一篲未成丘山鑿并九階不次水澤行百里者半九
十小孤汜濟濡其尾故曰時乎時不再來終終始始是謂
君子

定交詩效鮑明遠體呈晁無咎

以建除滿平定執破危成收開開十

二字每為句首

建酉全為政搖落草木衰除瓜瓞畝淨邵平無米炊滿家
色藜藿詩書不凋飢平生晁公子政用此時來定交無一

物秋月以爲期執持荆山璧要我雕琢之破斧不能柯况
乃玉無疵危冠論百揆備樂奏四時成功彼有命用舍君
自知收身渺江湖歲晚白鳥嬉開徑蒲葦中倚鉏望君歸
閉塞乃非道不才當爾爲

建鼓求亡子元非入耳歌除去綠綺塵水深山峩峩滿堂
悅秦聲君獨用此何平分感秋節空闊湛金波定夜百蟲
息高論聽懸河執攬北斗柄斟酌四時和破屋仰見星得
子喜且多危柱無安絃野水自盈科成道在禮樂成山在
丘阿收此桑榆景相從寄琢磨開懷溟海闊百怪出蛟鼉
閉藏願自愛驚人取諠訶

礧建溪第一奉邀徐天隱奉議并效建除體

建溪有靈草能蛻詩人骨除草開三逕爲君礧玄月滿甌

泛春風詩味生牙舌平斗量珠玉以故風推渴定知何月中

建德有...詩人...徐章開三...君...月滿...
泛春風詩味生牙舌平斗量珠玉以救風雅渴定知曾中
有璀璨非外物執虎探虎穴斬蛟入蛟室破鏡挂西南夜
闌清興發危言諸公上殊勝弄翰墨成仁骨鼎鑊聞已歸
諫列收汝救月弓蛙腹當拆裂開雲照四海黃道行堯日
閉門斲車輪出門同軌轍

再作答徐天隱

建德真樂國萬里渺中州除蕩俗氛盡心如九天秋滿船
載明月乃可與同游平生期斯人共挾風雅軸定知詩客
來夜虹貫斗牛執斧修月輪鍊石補天隙破的千古下乃
可泣曹劉危柱鳴秦箏知音初見求成功在漏刻堯舜去
共歿收此文章戲往作活國謀開納傾萬方皇極運九疇
閑姦有要道新舊隨材收

重贈徐天隱

建極臨萬邦，稽古陛下聖。除書日日下，有耳家相慶。滿意見升平，父老扶杖聽。平生所傳聞，似仁祖德性。定鼎百世長，橐弓四夷靜。執事當在朝，官冷殊未稱。破帽風歌歌，簡易不騎乘。危顛相扶持，泉石供嘲詠。成樂澗阿中，傲世似未敬。收潦下秋舩，期公拜嘉命。開元正觀事，身得見全盛。閉門長蓬蒿，或許老大病。

八音歌贈晁堯民往長與堯民論出處之致未竟
故終言之

金生寒沙中，見別會有時。石上千年栢，材高用苦遲。絲亂猶可理，心亂不可治。竹齋聞履聲，迺是故人來。匏苦只多葉，水深難為涉。土床不安席，象床臥燁燁。革與井同功，守

道非關怯木直常先伐樗櫟萬世葉

八音歌贈晁堯民

金荷酌美酒夫子莫留殘石有補天材虎豹守九關絲窠
將柳花入戶撲衣冠竹風搖永日思與子盤桓匏瓜豈無
匹自古同心難革急而革緩只在揉化間木桃終報汝樂
石理予顏

古意贈鄭彥能

金欲百鍊剛不欲繞指柔石羊臥荒草一世如蜉蝣絲成
蠶自縛智成龜自囚竹箭天與美豈願作噶矢匏枯中笙
芋不用繫墻隅土偶與木偶未用相賢愚革轍要合道票
車還不好木訥赤子心百巧令人老

贈無咎

金馬避世客談諧玩漢朝
石門抱關人長往閉寂寥
絲蟲日夜織勞苦則以食
竹生羅斧斤高林乃其賊
匏樽酌吾子雖陋意不淺
土德貴重逢水德貴重深
遠革能談鯤鵬晚乃得莊
周木鴈兩不居相期無待
游

二十八宿歌贈別無咎

虎剝文章犀解角食未下
亢竒禍作藥材根氏羅斲
蠹奪房抱飢渴有心無心
材慧死人言不如龜曳尾
衛平哆口無南箕斗柄指
日江使噫孤腹牛衣同一
燠高丘無女甘獨宿虛名
挽人受實禍累基既危安
處我室中凝塵散髮坐四
壁真真見天下奎蹄曲隈
取脂澤婁豬艾緞彼何擇
傾腸倒胃得相知貫日食
昂終不疑古來革命黃金
鑿佩君一言等甯鱗月沒
參橫惜相違秋風非梧桐
落

故人過牛在鬼錄柳枝贈君當馬策歲晏星回觀盛德張
弓射雉武且力白鷗之翼沒江波抽絃去軫君謂何

壽聖觀道士黃至明開小隱軒太守徐公爲題口

快軒庭堅集句詠之

金華牧羊兒一粒粟中藏世界使君從南來清風明月不
用一錢買廬鷲杓鸚鵡杯一杯一杯復一杯玉山自倒非
人推廬山秀出南斗傍登高送遠形神開銀河倒挂三石
梁硤崖倒石萬壑雷吟詩作賦北窻裏安得青天化作一
張紙長鯨白齒若雪山我願因之寄千里

銅官縣望五松山

集句

北風無時休崩浪聒天響蛟鼉好爲祟此物神僕王我來
五松下白髮三千文松門閉青苔惜哉不得往今日天氣

嘉清絕心有向子雲性嗜酒况迺氣清爽此人已成灰懷
賢盈夢想不食當須幾吾得終踈放弱女雖非男出處同
世網搔背牧雞豚相見得無恙

荊州即事藥名詩八首

四海無遠志一溪甘遂心牽牛避洗耳臥著桂枝陰
前湖後湖水初夏半夏涼夜闌鄉夢破一鴈度衡陽
千里及歸鴻半天河影東家人森戶外笑擁白頭翁
天竺黃卷在人中白髮侵客上獨掃榻自然同此心
垂空青幕六一一排風開石友常思我預知子能來
幽澗泉石綠閉閉聞啄木運柴胡奴歸車前掛生塵
雨如覆盆來平地沒牛膝回望無夷陵天南星斗濕
使君子百姓請雨不旋復守田意飽滿高壁掛龍骨

卷畢

黃先生外集第六

黃庭堅魯直

律詩一百六十六首

徐孺子祠堂

送徐隱父宰餘干二首

荅德甫弟

何造誠浩然詞二章

題前定錄贈李伯庸二首

駐輿遣人尋訪後山陳德方家

池口風雨留三日

揚州戲題

思親汝州作

次韻戲荅彥和

衝雪宿新寨忽忽不樂

郭明父西齋一首

睡起

戲詠江南土風

和荅孫不愚見贈

次韻裴仲謀同羊

次韻寄滑州舅氏

病起次韻和稚川進叔倡酬之什

稚川約晚過進叔次前韻

和荅登封王晦之登樓見寄

伯氏到濟南寄詩 同世弼韻作寄伯氏

世弼惠詩求舜泉 伯父祖善放隱齋

倉後酒正廳昔唐林夫謫官所作十一月己卯

余納秋租隔墻芙蓉盛開

自咸平至太康鞍馬間得十小詩

次韻蓋郎中率郭郎中休官二首

和張沙河招飲

閏月訪同年李夷伯子真於河上

乞猶

書扇

次韻郭右曹

次韻元日

次韻郭右曹

次韻元日

和荅李子真讀陶庾詩

次韻荅柳通叟求田問舍之詩

惟公靜碾茶

用前韻戲公靜

和謝公定河朔漫成八首

武陵

過平輿懷李子先時在并州

謝幼曉純送衲鞋

避暑李氏園一首

戲題大年防禦蘆鴈 平原宜坐二首

次韻舍弟題牛氏園二首

謝送宣城筆

王彥祖惠其祖黃州制草書其後

寄懷公壽

以金沙醪醑送公壽

同劉景文遊郭氏西園因留宿

張許謀家堂前醪醑委地

贈晁元興祠部

和陳君儀讀楊太真外傳五首

讀曹

公傳

并序 雜詩

同謝公定携書浴室汝師置飯作此

謝人求茶

暮到張氏園和壁間舊題

從人求花

感宗盡議自佳句學公詩之野居

李肇補註

急雪寄王立之問梅花

又寄王立之

歲寒知松柏

效進士作觀成都石經詩

送徐景道尉武寧二首

杜似吟院二首

奉送劉君昆仲

勸交代張和父酒

揚朴墓

次韻李士雄二首

戲和舍弟船場探春二首

戲和李子真河上見招

同景文文詠蓮塘

從丘十四借韓文二首

次韻題粹老客亭詩後

次韻寅菴四首

送楊確鴈門省親二首

次韻謝公定王世弼贈荅二絕句

次韻公定世弼登比都東樓四首

李右司以詩送梅花至潞公十四首

次韻張祕校喜雪三首

呻吟齋睡起五首呈世弼

送蛤蜊與李明叔諸君

戲贈世弼用前韻

世弼病方家不善論蛤蜊之功戲荅

次韻萱草

次韻雨中晝寢憶江南餅麴酒

和師厚郊居示里中諸君

和師厚秋半時復官分司兩郡

和師厚秋半時復官分司兩郡

陪謝師厚

和師厚九真三首

陪謝師厚遊三老

和師厚接花

和師厚栽竹

次韻外舅謝師厚三首

百花洲雜題

竹下把酒

砌臺晚惡

徐孺子祠堂

喬木幽人三畝宅生窈一東向誰論藤蘿得意干雲日蕭
鼓何心進酒搗白屋可能無孺子黃堂不是欠陳蕃古人
冷淡今人笑湖水年年到舊痕

送徐隱父宰餘干二首

地方百里身南面
隤手冷霜覆手炎
贅壻得牛庭少訟
長官齋馬吏爭廉
邑中丞塚陰桃李
按上文書略未鹽
治狀

要須聞豈弟此行端為霽威嚴

天上麒麟來下瑞江南橘柚間生賢王臺書在猶騷雅孺
子亭荒只草煙半世功名初墨綬同兄文字敵青錢割雞
不合庖丁手家傳風流更著鞭

答德甫弟

烏啼花發獨愁思吟子三章恣慕詩鴻鴈雙飛彈射下脊
令同病急難時功名所在猶爭死意氣相須尚不移何况
極天無以報休回投壁負嬰兒時以文事况弟俱在縲紲

同造誠作浩然堂陳義甚高外頗喜慶世飛昇之
築屋飯方士願乘六氣遊天地間故作浩然詞

二章贈之

公欲輕身上紫霞噴蔡玉巖厭豪奢百年世路同朝菌九

論天關守夜义霜相檢左紐加工白麻金鑪同契漫丹砂要公

鑰天關守夜又霜檜左紐空白庶金鑪同契漫丹砂要冷
心地閑如水萬物浮沉共我家

萬物浮沉共我家清明心水編河沙無鉤狂象聽人語露
地白牛看月斜小雨呼兒執桃李踈簾幃客轉琵琶塵
三昧開門戶不用丹田養素霞

題前定錄贈李伯輝二首

五賊追奔十二宮白頭寒士黑頭公明朝一飯先書籍安
用研桑作老翁
萬般盡被鬼神戲看取人間傀儡棚煩惱自無安脚處從
他鼓笛弄浮生

駐輿遣人尋訪後山陳德方家

江雨濛濛作小寒雪飄五老髮毛斑城中咫尺雲橫棧獨

立前山望後山

池口風雨留三日

孤城三日風吹雨小市人家只菜蔬水遠山長雙屬玉身
閑心苦一春鋤翁從旁舍來收網我適臨淵不羨魚俛仰
之間已陳迹莫窻歸了讀殘書

揚州戲題

春風十里珠簾捲髮髻三生杜牧之紅藥梢頭初繭栗揚
州風物鬢成絲

思親汝州作

歲晚寒侵遊子衣物留幕府報官移五更歸夢三百里一
日思親十二時車上吐茵元不逐市中有虎竟成疑秋毫
暑天閣可事忽為

次韻虛谷彦和

次韻戲答彥和彥和字四十兼杜門不出

本不因循老鏡春江湖歸去作閑人天於萬物定貧我智
効一官全為親布袋形骸增硯磊錦囊詩句愧清新杜門
絕俗無行迹相憶猶當遣化身

衝雪宿新寨忽忽不樂

縣北縣南何日了又來新寨解征鞍山街斗柄三星沒雪
共月明千里寒小吏忽一作在時須束帶故人頗問不休官
江南長盡梢雲竹歸及春風斬釣竿

郭明父作西齋于頴尾請予賦詩二首

食貧自以官為業聞說西齋意凜然萬卷藏書宜子弟十
年種木長風煙未嘗終日不思頴想見先生多好賢安得
雍容一樽酒女郎臺下水如天

東京望重兩并州。遂有汾陽整綴旒。翁伯入關傾意氣。林宗異世想風流。君家舊事皆青史。今日高材未白頭。莫倚西齋好風月。長隨三徑古人遊。

睡起

仿佛江南一夢中。虛堂盡日轉溫風。春深稍覺袂衣重。晝永不知樽酒空。

戲詠江南土風

十月江南未得霜。高林殘水下寒塘。飯香獵戶分熊白。酒熟漁家擘蟹黃。橘摘金苞隨驛使。香舂玉粒送官倉。踏歌夜結田神社。游女多隨陌上郎。

和荅孫不愚見贈

詩比淮南似小山。酒名淘米出雲安。凡憑詩酒動春事。草

愛見郎作好官簿。領侵尋台相筆風。埃蓬勃使星鞍小臣。

愛見即作好官簿，頌侵尋台相筆。風埃蓬勃使星較，小臣才力堪爲掾。敢學前人便掛冠。

次韻裴仲謀同年

交蓋春風汝水邊，客牀相對臥僧氈。舞陽去葉纔百里，賤子與公俱少年。白髮齊生如有種，青山好去坐無錢。烟沙篔竹江南岸，輸與鷗鷺取次眠。

次韻寄滑州舅氏

觴齋間有小溪山，便是壺公謫處天。想聽瑣窓深夜雨，似看葉水上江船。瞻相白馬津亭路，寂寞雙鳧古縣前。舅氏知甥最踈懶，折腰塵土解哀憐。

病起次韻和稚川進叔倡酬之什

池塘夜雨聽鳴蛙，老境侵尋每憶家。白髮生來驚客鬢，黃

梁炊熟又春華百年不負膠投遠萬事相依葛與瓜勝日
主人如有酒猶堪扶病見鶯花

稚川約晚過進叔次前韻贈稚川并呈進叔

人騎一馬鈍如蛙行向城東小隱家道上風埃迷皂白堂
前水竹湛清華我歸河曲定寒食公到江南應削瓜樽酒
光陰俱可惜端湏連夜發園花

和荅登封王晦之登樓見寄

縣樓三十六峯寒王粲登臨獨倚欄清坐一番春雨歇相
思千里夕陽殘詩來嗟我不同醉別後喜君能自寬舉目
盡妨人作樂幾時歸得釣鯢桓

伯氏到濟南寄詩頗言太守居有湖山之勝同韻

和

西來黃犬傳佳句知是陸機思陸雲歷下樓臺追把酒鬪

西來黃大傳佳句知是陸機思陸雲歷下樓臺追把酒舅
家賓客厭論文山椒欲雨好雲氣湖西逆風生水紋想得
爭碁飛鳥上行人不見只聽聞

曰世弼韻作寄伯氏在濟南兼呈六舅祠部學士
山光掃黛水接藍聞說禱前慙笑談伯氏清脩如舅氏濟
南蕭灑似江南屢陪風月乾吟筆不解笙篁醉舞衫只恐
使君乘傳去拾遺今日是前銜

世弼惠詩求舜泉輒欲以長安酥共泛一杯次韻

戲荅

寒螿薄飯留佳客蠹簡殘編作近鄰避地梁鴻真好學著
書揚子未全貧玉酥鍊得三危露石火燒成一片春沙鼎
探湯供卯飲不憂問字絕無人

伯父祖善者老好學於所居紫陽溪後小馬鞍山
為放隱齋遠寄詩句意欲庭堅和之幸師友同賦

率尔上呈

樵入千巖靜松含萬籟寒兒童給行李藜蔕對衣冠小檻
聊防虎時來即解鞍阿翁吹笛罷懷昔淚相看

倉後酒正廳昔唐林夫謫官所作十一月己卯余

納秋租隔墻芙蓉盛開

攀檻朱雲頭未白不知流落向何州空餘前日學書地小

閣紅蕖取意秋

林夫喜作隸字

自咸平至太康鞍馬間得十小詩寄懷晏叔原并

問王稚川行李鵝兒黃以酒對酒愛新鵝此他日

醉時與叔原所詠因以為韻

詩入雜林市書邀道士鵝雲間月公子風月興如可

詩入雞林市書邀道士鵝雲間
公子風月興如何

春風馬上夢樽酒故人持
猶作狂詩語鄰家乞侍兒

推川
醉時

在旁
午狀

憶同嵇阮輩醉臥酒家
亦今日堪疑初無人姓黃

對酒誠獨難論詩亦不易
人生如草木臭味要相似

春色按曙來惱人似官酒
酬春無好語懷我文章友

紅梅定自開有酒無人對
歸時應好在常恐風雨晦

東南萬里江綠盡一杯酒
王孫江南去更得消息否

獻笑果不情貌親初不愛
誰言百年交投分一傾蓋

四十垂垂老文章豈更新
鼻端如可斲猶擬為揮斤

土氣昏風日人囂極鴈鴟
尋河著斲繩墨詩思略無多

次韻蓋郎中率郭郎中休官二首

仕路風波雙白髮閑曹笑傲兩詩流故人相見自青眼新

貴即今多黑頭桃葉柳花明曉市荻牙蒲笋上春洲定知

聞健休官去酒戶家園得自由郊文時御道中野服過親黨飯頭為分臺御史所詞

故有

世態已更千變盡心源不受一塵侵一作險阻艱難親得

青春白日無公事紫燕黃鸝俱好音付與兒孫知伏臘聽

教魚鳥逐飛沉黃公壚下曾知味定是逃禪入少林

和張沙河招飲

張侯耕稼不逢年過午未炊兒女煎腹裏雖盈五車讀囊

中能有幾錢年况聞緼素尚黃葛可怕雪花鋪白氈誰料

丹徒布衣得今朝忽有酒如川

閏月訪同年李夷伯子真於河上子真以詩謝次韻

十年不見猶如此未覺斯人歎滯留白壁明珠多按劍蜀

十年不見猶如此未覺斯人歎滯留
白壁明珠多按劍濁
涇清渭要同流日晴花色自深淺
風軟鳥聲相應酬談笑
一樽非俗物對公無地可言愁

乞猫

秋來鼠輩欺猫死窺甕翻盤攪
夜眠聞道狸奴將教子買
魚穿柳聘街蟬

書扇

魯公筆法屋漏雨未減右軍
錐畫沙可惜團團新月面
故教零亂黑雲遮

次韻郭右曹

閱世行將老斲輪那能不朽見
仍雲歲中日月又除盡聖
處工夫無半分秋水寒沙魚得計
南山濃霧豹成文古心

自有著鞭地尺璧分陰未當勤

次韻元日

會朝四海登圖籍絳闕青都想盛容春色已知回寸草霜
威從此霽寒松飲如嚼蠟初忘味事與浮雲去絕蹤四十
九年蘧伯玉聖人門戶見重重

和荅李子真讀陶庚詩

樂易陶彭澤憂思庾義城風流掃地盡詩句識餘情往者
不再作前賢畏後士吾亦得意處此意少人明

次韻荅柳通叟求田問舍之詩

少日心期轉繆悠蛾眉見妬且障羞但令有婦如康子安
用生兒似仲謀橫笛牛羊歸晚徑捲簾瓜芋熟西疇功名
可致新回首何況功名不可求

催公靜碾茶

雪裏過門多惡客

不飲者為惡客
出元次山集

春陰只惱有情人睡魔

正仰茶料理急遣溪童碾玉塵

用前韻戲公靜

偶逢携酒便與飲竟別我為何等人
兔月龍團不當惜長卿消渴肺生塵

和謝公定河朔漫成八首

急雨長風溢兩河欣然河伯順風歌
行觀東海方存少不以黃流更自多

直渠殺勢煩才吏機器爬沙聚水兵
河面常從天上落金堤千里護都城

直令南越還歸帝誰為匈奴不敢王
願見推財多卜式木

須筭賦似桑羊

萊公廟略傳耆舊韓令風流在并疆安用鳴鑿增漢壘不
妨羅拜下諸羌

漢時水占十萬頃官寺民居皆濁河豈必九渠亡故道直
緣穿鑿用功多

虜庭救遣林牙使羌種未窺鴈塞耕壯士看天思上策月
邊鳴笛爲誰橫

蛛蒙黃畫屏初暗塵澁金門璫不開六十餘年望瑯葦赭
袍曾是映宮槐

百里棄疆王自直萬金捐費物皆春湏令牧馬甘踰幕更
遣彎弓不射人

武陵

惟客出桃源自許重遊不作難却覓洞門壘鎖斷

樵客出桃源自許重遊不作難
却覓洞門煙鎖斷
歸舟風月夜深寒

過平輿懷李子先時在并州

前日幽人佐吏曹
我行堤草認青袍
心隨汝水春波動
興與并門夜月高
世上豈無千里馬
人中難得九方臯
酒船魚網歸來是
花落故溪深一篙

謝曉純送衲鞵

剡草曾升馬祖堂
暖窻接膝話還鄉
贈行百衲兜羅鞵
處處相隨入道場

避暑李氏園二首

李侯別館鎖春陰
花徑吹香可細尋
迸筍侵階藤倒架
主人重爲費千金

荷氣竹風宜永日
冰壺涼簟不能回
題詩未有驚人句
會喚謫仙蘇二來

戲題大年防禦蘆鴈

揮毫不作小池塘
蘆荻江村落鴈行
雖有珠簾藏翡翠
不
忘煙雨罩鴛鴦

平原宴坐二首

公釋

老作儒生不解事
江南有田歸荷鋤
北窗風來舉書葉
猶自勸人勤讀書

黃落委庭觀元州
蟲聲日夜戒衣裘
金錢滿地無人費
一斛明珠意汝秋

次韻舍弟題牛八園二首

六言

春與因時
將蜂
俱來
博前
為歌
花舞
歸路
星翻

漢回

春事欲了鶯催主人雖貧燕來玉燭傳盃未厭金吾靜夜
驚回

謝送宣城筆

宣城變樣蹲

一作尊

鷄距諸葛名家符

一作將

鼠鬚一束喜從

公處得千金求買市中無漫投墨客摹科斗勝與朱門飽

蠹魚愧我初非草玄手不將閑寫吏文書

王彥祖惠其祖黃州制草書其後

脫略看時輩諸君等發家董狐常直筆及黯少居中鷗入

遷臣舍烏號厭世弓平生有嘉樹猶起九原風

寄懷公壽

好賦梁王在日邊重簾複幕鎖神仙莫因酒病踈桃李且

把春愁付管絃。愚知相懸三十里，榮枯同有百餘年。及身
強健且行樂，一笑端須直萬錢。

以金沙醪釀送公壽

天遣醪釀玉作花，紫綿揉色染金沙。憑君著意樽前看，便
與春工立等差。

同劉景文遊郭氏西園因留宿

人居城市虛華館，秋入園林著晚花。落日臨池見科斗，必
知清夜有鳴蛙。

張仲謀家堂前醪釀委地

沉水衣籠白玉苗，不蒙前拂苦無聊。煩君斫取西莊柳，扶
起春風十萬條。

贈陳元與祠部

武成園木鎖中秋，又得汀洲刺史遊。招喚丁寧方餅送，誰

武成園木鎖中秋，又得汀州刺史遊。
招喚丁寧方邂逅，誰言天網漏吞舟。

和陳君儀讀楊真外傳五首

朝廷無事君臣樂，花柳多情殿閣春。
不覺胡雛心暗動，作

付與山河 綺羅翻更一作墜樓人

扶風喬木夏陰合，斜谷鈴聲秋夜深。
入到愁來無處會，不

關情處，揔傷心。

梁州一曲當時事，一作開元夢記得曾拈玉笛吹。
端正樓空春

書來小桃猶學淡燕支。

高麗條脫瑠紅玉，一作雙條脫羅紗琵琶撚綠絲。
一作三尺琵琶

綠繭蛛網屋煤昏，故物澤歌一作脂此生唯有夢來時。

上皇曾御昭儀傳，鏡裏觀形只眼前。
養得祿兒傾四海，千

秋更有一伶玄

讀曹公傳并序

曹公自以勲高宰衡文對西伯蟬蛻揖讓之中而用漢
室於家巷更黨錮之爰義士忠臣耘除略盡獻靈之間
北面朝者拱而觀變漢魏何擇焉彼見宗廟社稷之無
與也執太阿而用其頡以司一世之命左右無不得意
引後宮於鈇鉞如刈蒲茅夫正婦姆使得罪家人猶為
謝過而親北面受命之君自以為未死所嗚呼厲憐
王其誰曰過言雖然終已恭讓腹毒而色取仁任不以
易漢姓者何也漢之末造雖得罪於社稷骨鯁之臣而
猶不得罪於民故猶相與愛其名耳余聞曰道揆以上
惠不足而明有餘不在社稷而數有功染盛殆其不繼

哉感之作曹公詩一章

南征北伐報功頻
劉氏親為魏國賓
畢竟以不成霸業
豈能於漢作純臣
兩都秋色皆喬木
二祖恩波在細民
駕馭英雄雖有術
力扶宗社可無人

雜詩

古風蕭索不言歸
貧賤交情富貴非
世祖本無天下量
子陵何慕釣魚磯

同謝公定携書浴室汶師置飯作此

竹林風與日俱斜
細草猶聞一兩花
天上歸來對書客
愧勤僧飯更煎茶

客一作卷

謝人惠茶

一規蒼玉琢蜿蜒
藉有佳人錦段鮮
莫笑持歸淮海去
為

君重試大明泉

暮到張氏園和壁間舊題

卻平不見見園瓜三徑還尋二仲家
莫道暫來無所得未秋先見碧蓮華

從人求花

舍南舍北勃姑啼體中不佳陰雨垂
欲向黃梅問消息背陰合有兩三枝

楸宗奉議有佳句詠冷庭叟野居庭
堅於庭叟有十八年之舊故次韻贈之
庭叟有佳侍兒因早朝而逸去其後
迺插椒藩甚嚴密

城西冷叟半忙閑人道王陽得早還
四望樓臺皆我有一原花竹住中間
初無狗盜窺籬落底事蛾眉尖鎖闥
每爲

朝天三十里時時驚枕夢催班

李濠州挽詞二首

循吏功名兩漢中平生風義最雍容
魚遊濠上方云樂鵬在承塵忽告凶
掛劍自知吾已許脫駮不爲涕無從
百年窮達都歸盡淮水空圍墓上松

禮數最優徐孺子風流不減謝宣城
那知此別成千古未信斯言隔九京
落日松楸陰隧道西風蕭鼓送銘旌
善人無施今如此隴水長寒嗚咽聲

寄家

別幾日客愁生固知遠別難爲情
夢回官燭不盈把猶心驕兒索乳聲

衛南

十年畚鍤棄春耕折葦枯荷繞壞城白鳥自多人自少
汚泥終濁水終清沙場旗鼓千人集漁戶風煙一笛橫
唯有向鷓古祠栢對人猶是向時情

酒

江形圍似阮家盆山勢岑如北海樽戶有浮蛆春盎盎
雙松一路醉鄉門

急雪寄王立之問梅花

紅梅雪裏與蓑衣莫遣寒侵鶴膝枝老子此中殊不淺
尚堪何遜作同時

又寄王立之

南人羈旅不成歸夢遶南枝與北枝安得孤根連夜發
要當雪月並明時

歲寒知松柏

松柏天生獨青青，貫四時心藏後凋節。歲有大寒知慘淡，
冰霜晚輪困澗壑。姿或容蝼蟻穴，未見斧斤遲搖落。上秋
靜婆娑萬籟悲，鄭公扶正觀已不見封彝。

效進士作觀成都石經詩

成都九經石，歲久麝煤寒。字畫參工拙，文章可鑒觀。危邦
猶勸講，相國校凋刊。群盜煙塵後，諸生竹帛殘。王春尊孔
氏，乞夜詔甘盤。願比來諸野成書，上學官。

送徐景道尉武寧二首

李苦少人摘，酒醇無巷深。當官莫避事，為吏要清心。葛藟
松千尺，寒泉縷百尋。公朝有汲引，吾子茂徽音。

黃綬補一尉，還依水竹居。身隨南渡馬，書寄北來魚。風俗

譜鄰並艱難試事初官閑莫歌舞教子誦詩書

杜似吟院兩首

日長吟院無公事燕入花開必有詩莫道南風吹馬去春
來亦有北風時

吟院虛明如畫舫想成檻外是長江杜郎忽作揚州夢雨
帶風沙打夜窻

奉送劉君昆仲

游子歸心日夜流南陔香草可晨羞平原晚雨半槐夏汾
上午風初麥秋鴻鴈要須翔集早菴鷄無憾急難求欲因
行李傳家信姑射山前是晉州

勸交代張和父酒

風流五日張京兆今日諸孫困小官作尹大都如廣漢書

清規與不長安三人成虎事及有衆口鑠金居自寬西與

眉仍復近長安三人成虎事有衆口鑠金居自寬酒興
情親俱不淺賤生何取罄交歡

楊朴墓

三尺孤魂一布衣入言無復似當時千秋萬歲還來此月
笛煙莎世不知

楊朴喜吹笛嘗
作詩極工

次韻李士雄子飛獨遊西園折柱舟憶弟子奇音

西園春色才桃李蜂已成園蝶作團更欲開花比京落放

教姚魏接山丹

桃李陰中玉兄弟扶將白髮共傳杯風吹一鴈忽南去空
得平安書信回

戲和舍弟船場探春二首

雨餘禽語催天曉月上梨花放夜闌莫听遊人待妍暖十

風流五日張京兆今日諸孫困小官作尹大都如廣漢畫

分傾酒對春寒

百舌解啼泥滑滑忽成風雨落花天城南一段春如錦喚取詩人到酒邊

戲荅李子真河上見招來詩頗誇河上風物聊以

當嘲云

渾渾舊水無新意漫漫黃塵沈白鷗安得江湖忽當眼卧聽禽語信船流

同景文文詠蓮塘

塘上鈎簾對晚香半斜紅日已侵床江妃羞出凌波謔長在高荷扇影涼

亦當作藏

從丘十四借韓文二首

吏部文章萬世吾求善本編窺散帙雲窗燕几同安得見

丘邊

中有先君子澤州鉉點勘書詩莫惜借行千里他日還君
一臨

次韻題粹老客亭詩後

客亭長短路南北袞袞行人那得知惟有相逢即相別一
杯成喜只成悲

雙井弊廬之東得勝地一區長林巨麓危峯四環
泉甘土肥可以結茅菴居是在寅山之頽命曰寅
菴喜成四詩遠寄魯直可同魏都士人共和之賦
一溪婉婉如半篆四野青青似畫圖阮客放船迷洞府化
人攜袂到清都山中安用名丞相天下于今得廣居我即
其間構宮室預愁帝夢有華胥

山前有路到華胥下即乾坤極海隅西接洞庭開曉楚東
傾彭蠡浸晴吳四時更代觀形化萬物推移見尾闕此世
人人少閑暇每攜樽酒自看書

手把齊民種時書莎衫臺笠事耘鉏夏栽醉竹餘千箇
五月三日春糞辰瓜滿百區瓜穠早秣旋春嘗翅葉新梁炊
熟白樵蘇日西杖屨行山口招得鄰丁作飲徒

招得鄰丁作飲徒山家肴藪益胥疎就根煨笋連黃籜和
蒂栽瓜帶綠須羹熟澤中親射鴈膾成溪上自嘗魚遠懷
羊仲荒三徑能似林間今日無

次韻寅菴四首

四詩說盡菴前事寄遠如開水墨圖略有生涯如谷口非
無卜肆在成都旁離榛葉供賓客滿眼雲山奉宴居閑與

老農歌帝力年豐村落罷追胥

兄作新菴接舊居一原風物萃庭隅陸機招隱方傳洛張
翰思歸正在吳五斗折腰漸僕妾幾年合眼夢鄉閭白雲
行處應垂淚黃犬歸時早寄書

大若塘邊獨網魚小桃源口帶經鋤詩催孺子成雞柵茶
約鄰翁搯羊區苦棟狂風寒徹骨黃梅細雨潤如酥此時
睡到日三文自起開關招酒徒

未怪窮山寂寞居此情常與世情踈誰家生計無閑地太
半歸來已白頭不用看雲眠永日會思臨水寄雙魚公私
逋負田園薄未至妨人作樂無

送楊瓘鴈門省親二首

從于學弓業
未成辟歸

執戟老翁年七十人看生理亦無聊草玄事業窺周易作

賦聲名動漢朝今見遠
孫勤翰墨還持遺藁困
單瓢三年鄉杖趨晨鼓
一日邊城聽夜刁野飯
盈盤厭葱韭春風半道
解狐貂歸時定倒迎門
疑問鴈安能學度遼
蜀客出衰世獨升鄒魯
堂蚊虻觀得失虎豹擅
文章吾子已強學草玄
宜不忘江河須畎澮松
栢要冰霜馬策路千里
鴈門書數行旨甘君有
婦尺璧愛分光

次韻謝公定正世弼贈卷二絕句

何用苦吟肝腎愁但知把酒更無憂
諱名本不關人事看取青門一故侯
酒因咀嚼還知味詩就呻吟不要工
王謝風流看二妙病夫直欲臥墻東

次韻公定世弼登北都東陵四首

日著欄干角風吹濯澣衣喜一同王季哲更得謝玄暉清興
俱不淺長吟無用歸月明南北道猶見驛塵飛

真皇多霸勝仁祖用功深卜宅遷九鼎破胡藏萬金百年
沐戰士當日縱前禽欲斷肉奴臂不如留此心

都城礙飛鳥軍幕臥貔貅紫蕙知蠶老黃雲見麥秋接天
雙闕起伏地九河流香老深望幸鑿輿不好遊

漢皇勤遠略晚節相千秋不足中原地猶思一戰收聖朝
方北顧斜日倚東樓廟筭知無敵寒儒浪自愁

李右司以詩送梅花至潞公子雖不接右司想見
其人用老杜和元次山詩例次韻

瓦花俗草敗人意晚見瓊蕤不恨遲江左風流尚如此春
功終到歲寒枝

次韻張祕校喜雪三首

落月煙沙靜渺然好風吹雪下平田瓊瑤萬里酒增價桂
玉一炊人少錢學子已占秋食麥廣文可感零無氈腫餘
強起還詩債臘裏春初未隔年

巷深朋友稀來姓日晏兒童不掃除雪裏正當梅臘盡民
飢可待麥秋無寒生短棹誰乘興光入味樵我讀書官冷
無人供美酒何時却得步兵厨

滿城樓觀玉闌干小雪晴時不共寒潤到竹根肥臘筭暖
開蔬甲助春盤眼前多事觀游小習次無憂酒量寬聞說
壓沙梨已動會須鞭馬蹋泥看

呻吟齋睡起五首呈已弼

樂已上清畫寺山凝妙香蘭牙依客土析多過却備蒼

過從少官閑氣味長江南一院學高由聽鶉
學省非簿領臥疴常閉關雨餘樓閣靜風晚鳥
鳥還實逐四時改心安一味閑古人雖已往不
廢仰高山

鍊食吾猶飽曲肱哦古今酒傾因好事絃絕爲
知音石槩長春木爭巢喧暮禽長懷阮校尉北望
首陽岑

已把社公酒春寒那得嚴厭聽鳴啄雪喜有燕
穿簾璞玉深藏器囊錐之見尖兒時愛談道今日
口如箱

墻下蓬蒿地兒童課剪除蔓蒿隨分種杞菊未
須鉏河水傳烽火交州報捷書無能落閑處慙媿
飽春蔬

送蛤蜊與李明叔諸君

雪屋冰燈然豆萁古采壯士亦長飢廣大不得
載酒去且詠太玄庖蛤蜊

戲贈世弼用前韻

盜跖人肝常自飽，首陽薇蕨向來飢。
誰能著意知許事，且爲元長食蛤蜊。

世弼病方家不善論蛤蜊之功戲答

伯樂無傳驥空老，重華不見士長飢。
從來萬事乖名實，官但藥翁論蛤蜊。

次韻師厚萱草

從來占北堂，雨露借恩光。
與菊亂佳色，共葵傾太陽。
人生真苦相，物理忌孤芳。
不及空庭草，榮衰可兩忘。

次韻師厚雨中書寢以憶江南餅麪酒

雨砌無車馬，風簾洒靜便。
忽思江外酒，準擬醉時眠。
噫凡唯觀化，開書屢絕編。
遙知煙渚夢，遣騎喚漁舩。

和師厚郊居示里中諸君

籬邊苦菊關心事，窗外青山不世情。
江橘千頭供歲計，秋蛙一部洗朝醒。
歸鴻徃燕祝時節，宿草新墳多友生。
身後功名空自重，眼前樽酒未宜輕。

和師厚秋半時復片口分司西都

遙知得謝小西洛，無復青罽冠上塵。
園地除瓜猶入市，水田收秫未全貧。
杜陵白髮垂垂老，張翰黃花句句新。
還與老農爭坐席，青林同社賽田神。

和外舅夙興三首

皆內作

瓜蔓已除虀苔痕，猶上墻蓬蒿貪雨露。
松竹見冰霜卷幔，天垂斗披衣日在房。
無詩鈔公不遇，千古一潛郎。

風烈僧魚響，霜嚴郡角悲。
短童疲洒掃，落葉故紛披。
水凍

食鮮少甕寒浮蟻遲朝陽烏
尚樂安穩託禪枝
暑逐池蓮盡寒隨塞馬來
衣衣雖得暖狐貉正相哀
僧汲
轆轤曉車鳴關鎖開不因朝
鼓起來帙亂書堆

陪謝師厚遊百花洲如石礪范文正祠下道羊曇哭
謝安石事因讀生存世半屋處零落歸山丘為十詩

憶在昭陵日傾心用老成功歸仁祖廟政得一書生
羊生但著鞭勿哭西州門故去竹不亡者南山相與存
慶州自不惡籍甚載聲華忠義我可無憾公今有世家
公歸未百年鶴巢荒古屋我公吟珍瘁詩悲風韻喬木
傷心祠下亭在時公燕處臨水不相猜江鷗會人語
公有一杯酒與人同醉醒遺民能記憶欲語涕飄零
委徑問臨人高丘省伯作肯存非為然今花幾開落

在甘實方枘成功見圓機九... 似尚友心白首要同歸

在昔實方枘成功見圓機九
尔尚友心白首要同歸
八夫洲渚在春回花草班
清政值淵對發興如江山
落日銜城壁伺東更一游
悲不惜酒少安得董糟丘

和師厚接花

妙手從心得接花如有神
根休讓下土顏色洛陽春
雍也本梨子仲由元鄙人
升堂與入室只在一揮斤

和師厚栽竹

大隱在城市此君真友生
根須辰日斲筍要上番成
龍化葛陂去鳳吹阿閣鳴
草荒三徑斷歲晚見交情

次韻外舅謝師厚袁王正仲三文奉詔相南兵回
至襄陽拾驛馬就舟見過三首

漢上思見龐德公別來悲
軟事無窮聲名籍甚漫前日
須

鬢索然成老翁家釀已隨刻漏下園花更開三四紅相逢
不飲未為得聽取百鳥啼忽忽

能來問疾好音傳蹇步昏花當日痊烹鯉得書增日力呼
兒扶立候門前游談取重起犀首居物多羸昧計然惟有
交親等金石白頭忘義復忘年

語言少味無阿堵冷冰一作空相看有此君燈火詩書如夢
寐麒麟圖畫屬浮雲平草息女能為婦歡喜兒曹解綴文
憂樂同科惟石友別離空復教朝曛

百花洲雜題

范公種竹水邊亭漂泊來游一客星神理不應從此盡百
年草樹至今青

竹下酒

竹下酒
陰為我開不知臨水語更得幾回來

竹下傾春酒
愁陰為我開
不知臨水語
更得幾回來

砌臺晚思

目極江南千里春
誰今洒筆可招魂
向人猶作故時面
翠竹蒼煙一萬根



豫章黃先生外集第

蕭章文惠王少子

次

次

次

次

次

次

次

次

次

次

次



竹蒼野一萬

目野王前年定春雅令新筆下跡

千

不新春用慈烈為非開不映




浙江圖書館善本



甲 登記號 :019593

一九 年 月 日





新加坡圖書館藏



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black